

GWERC'HEZED AR VRO

Patronez dous, *Itron ar Follgoad*,
Taolit ho sell war vro Leon,
Ken dudiñs dirak ho taoulagad
Hag a bell zo tost d'ho kalon.

DISKAN :

*Evel Salaun, o Maria,
Ni a c'houlenn hor bara.*

Itron Varia Ker an Itron,
Grit ma chomo, 'hed an amzer,
E pep spered evel e pep kalon,
Ar feiz kristen e bro Dreger.

*Gwerc'hez Vari, kreskit ar feiz
E pep parrez eus hor Breiz !*

Itron Varia Ru-Maen Goulou,
Digasit d'eomp, a-berz Doue,
Da heul ar peoc'h e kêr hag er mae-
Yec'hed ar c'horf hag en ene. [ziou,

*Itron Varia Rumengoll,
Bezit ato « Remed-holl ! »*

Itron Varia goz'ar Porzou,
Bezit eun deiz ouz hor gortoz,
P'enem gavimp dirak dor an Nenvou,
War dreuzou porz ar baradoz.

*Itron Varia ar Porzou,
Digorit d'eomp an Nenvou !*

Patronez vat an tiegeziou,
Bennigit poan al labourer ;
Lakit frou-ez hag eost leiz ar mae-
Hag e kaniñp drant ha seder. [ziou,

*Itron Varia ar Maeziou,
Santela-it hor poaniou.*

Rouanez dous, brevit ar gounnar
A lak an dud d'en em zrailha ;
Grit ma vleunio ar peoc'h war an
Ha m'o dezo an holl bara. [douar

*Mestrez ar peoc'h, d'ho pugale,
Ro-it buan peoc'h Doue.*

Rouanez Frans, Itron Varia,
Gwelit ho pro din a d'uez ;
Hastit afô sikour ho merc'h hena
Hag e savo leun a vuhez.

*Klevit pedenn ho pugale,
Savit ar Frans hep dale !*

Rouanez Vreiz, taolit ho skoazell
War ho Preiziz e pep amzer ;
Ha diwallit diouz dismantr'ar brezel
Hon holl diez ha parkeier.

*Itron Varia Vreiz-Izel,
Savit uhel he banniel !*

Aotre da voula :

Kemper, 1 Here 1944.


P. Jancour, vikel bras.

Ti-Moulerer Bro-Gerne, ru an Dudchentil, Kemper,

8N3-5-012

DISTRO-MEUR AR BEC'HERIEN OUZ DOUE

(Mision bras ar Werc'hez Vari dre ar vro)



LAUDATE MARIAM

DISKAN : *Laudate, Laudate, Laudate Mariam* (2 w.).

pe : *Mamm Doue, o Gwerc'hez
Bezit va c'harantez.* } 2 w.

1.
*Laudate ! Mamm zantel,
Dreist an oabl skedus
Hor c'halonou fidel
A bigno joñtus.*

2.
*Ra jomot hor Mestrez,
Steredenn ar mor :
C'houi 'zo hor Rouanez
Rouanez Arvor.*

3.
*D'ar pardaez er grasou,
E ti pep Breizad,
Gant Jezuz hon Aotrou
Ho meulomp ervat.*

4.
*War lein ar menezioù
Ar pastor denved
War-zu bolz an nenvou
A lavar bepred :*

5.
*War e vagig dister,
Ar martolod paour
Lavar d'e vamm dener,
Gant eur galon aour :*

6.
*Gant an oad daoub'leget,
An tad koz en ti,
Diskabell daoulinet
N'ehan d'ho pedi.*

7.
*An elig mailhuret
En e gavell striz
Epad ma 'z eo kousket
Ho ped en e c'hiz.*

8.
*Breiziz, a-vihanik
Betek ar maro
O c'halon birvidik
Laouen a gano :*

9.
*E palez kaer Jezuz
Bodet dizoursi
Eun deiz ni 'vo eürus
En dro da Vari.*

KALON DINAMM MARI

DISKAN :

*Ave, ave, ave Maria !
(2 w.)*

1.
*Kalon dinamm Mari,
Lenn a garantez,
Ni zeu d'ho saludi
Gant an holl Elez.*

2.
*Feunteun an holl c'hrasou,
Sellit gant true
Ouz hon holl ezommou
A gori, a ene.*

3.
*Betek e Breiz-Izel,
Gwechall bro ar Zent,
Ouz an Iliz Santel
Kalz a zo dizent.*

4.
*Ro-it d'an den dallet
Gras ar sklerijenn,
D'ar pec'her kaledet
Gras ar binijenn.*

5.
*En hon tiegeziou
Lakit karantez,
Hag en hor c'halonou
Peoc'h ha levenez.*

6.
*C'houi 'zo Mamm da Jezuz,
Mamm d'ar gristenien,
C'houi 'zo trugarezus
Vit ar bec'herien.*

7.
*Stouet omp d'an douar
Dirak ho Kalon,
Gant keuz ha gant glac'har
O c'houlenn pardon.*

8.
*Ennoc'h hon holl fizians
Epad hor buhe ;
Ennoc'h hon esperans
Er maro ive.*

SANTEZ MARI, MAMM DOUE

Evit en em ouestla d'ar Werc'hez

1. Santez Mari, Mamm Doue, e pep amzer Gwerc'hez,
Jezuz a zo va Roue, ha c'houi va Rouanez.
Evel ma 'z eo va barner, bezit va fatronez,
Hag evidoun dirazan bezit alvokadez.
2. O Gwerc'hez, d'eoc'h e touan beza korf hag ene,
Netra enep hoc'h enor ne c'houzanvin morse ;
Ne lezin den en dro d'in, ma c'hellan, d'ho poania,
Da boania Mamm va Zalver, ar Vamm an denera.
3. Evit enori gwelloc'h hoc'h hano dous meurbet,
O Mamm ar wir drugarez ha Mamm Salver ar bed,
'Vit ar beorien ezommek me 'vo madeleuz,
Dre ma 'z int holl breudeur d'in, dasprenet gant Jezuz.
4. 'Hed va buhez em labour va zikourit bepred,
Dreist-holl e pred ar maro, a ! n'am dilezit ket.
En ho taouarn d'am Barner ma tougit va ene,
Sur ez in d'ar Baradoz d'ho meuli goudeze.

ITRON AR ZILVIDIGEZ

DISKAN :

*Truez, va Doue !
Hor c'heuz 'zo bras.
Savit hor bro hep dale
Ken uhel ha biskoaz !*

1. Dallet oamp holl ha mezvet gant ar pec'hed,
Hep aon na mez e torrempe ho lezenn.
Ha ret 'vo c'hoaz d'ar gurun ha d'al luc'hed
Diskouez ez eus eur Mestr a-zioc'h hor penn ?
2. En arne du eur steredenn o para
A ro kalon ha nerz d'ar sturier paour ;
Sellit en neiv, ar c'houmoul a dano-a,
Rak savet eo ar werelaouenn aour.
3. Gwerelaouenn, piou oc'h nemet ar Werc'hez,
Zo diskennet war gern hor menezioù ?
C'houi eo, Mari, Itron ar Zilvidigez,
Ha dont a rit ho torn leun a c'hrasou.
4. Gwerelaouenn, c'houi eo ar vamm benniget,
Ar vamm dener, ar vamm madeleuz.
C'houi 'lavar d'eomp : « Pedit, ma viot selaouet,
Ma pardono Kalon va Mab Jezuz !
5. O Gwerc'hez dous, eienenn an esperans,
E-harz ho treid emaomp oc'h hirvoudi ;
Bro-C'hall e kaon a zell ouzoc'h gant fizians :
Hor zelaouit, hor zikourit, Mari !

M'HE GWELO, EUN DERVEZ

TON : *J'irai la voir un jour.*

DISKAN :

*Eun deiz, er Baradoz
Me a welo va Mamm,
Me 'gavo va repos
War he c'halon dinamm.*

1.

*M'he gwelo, eun devez,
E bro gaer ar Baradoz,
Mari, va Mamm, va repos,
Va joa, va c'harantez.*

2.

*M'he gwelo, eun devez :
Setu c'hoant bras va ene,
Setu konfort va buhe
Pa vezan en enkreiz.*

3.

*M'he gwelo, eun devez :
Unanet gant an aelez,
Me 'gano he santelezh
'Vel floc'h en he falez.*

4.

*M'he gwelo, eun devez,
E klod an nenvou skedus :
Kurunet 'vin gant Jezuz
'Vel mab he c'harantez.*

5.

*M'he gwelo, eun devez :
Me 'vezo 'vel he mignon,
Luskellet war he c'halon
Hed ar beurbadelez.*

ROUANEZ ARVOR

DISKAN :

*Rouanez Arvor, dalc'hit d'eomp hor feiz,
Ra vo karantez bepred en hor c'hreiz !*

1. Kalon hon tud koz hoc'h eus gounezet
Kerkent ha m'o deus hoc'h anavezet.
2. Aba, gant abeg, e vez lavaret
Ez eo gant Breiziz ar Werc'hez karet.
3. D'ar mammou, du-man, Mari, mamm dener,
A ziskouez an tu da heuilh o dever.
4. Gant Mari Gwerc'hez, plac'hed yaouank Breiz
A vez kenteliet war ar vuhez reiz.
5. Ar vugaligou, ken stank en hor bro,
D'ar Werc'hez, o mamm, o c'halon a-ro.
6. Kement stad hag oad, pep micher e Breiz
A gas da Vari meuleudi bep deiz.
7. Nag a bet iliz a zo bet savet ;
Dindan hec'h ano pet chapel sakret !
8. E pep korn er vro, nag a bedennou !
Enoret e vez dre binijennou.
9. Evit pep breizad ha pep breizadez
Ra vezot bepred eun alvokadez.
10. Deu-it war zikour ho servijerien,
Harpit ar c'houer, ar besketerien.
11. Teurvezit diwall ouz an taoliou treiz
Ez brezel, er peoc'h, hor zoudarded keiz.
12. Mirit, ni ho ped, steredenn garet,
Hol listri-brezel, er mor kounnaret.
13. D'an den klanv pe yac'h, d'ar bihan, d'ar bras,
Hervez an ezomm lodennit ho kras.
14. E berr, kendalc'hit da skuilh ho pennoz
War ar Vretoned bemdez ha bemnoz.